

中华古典精华文库

声律启蒙

清·车万育 著

<u>声律启蒙 .1.</u>

目录

声律启蒙上卷	 02
下卷	 12

声律启蒙 .2.

声律启蒙上卷

一东

云对雨,雪对风,晚照对晴空。来鸿对去燕,宿鸟对鸣虫。三尺剑,六钧弓,岭北对江东。人间清暑殿 ,天上广寒宫。两岸晓烟杨柳绿,一园春雨杏花红。两鬓风霜,途次早行之客;一蓑烟雨,溪边晚钓之翁。沿对革,异对同,白叟对黄童。江风对海雾,牧子对渔翁。颜巷陋,阮途穷,冀北对辽东。池中濯足水,门外打头风。梁帝讲经同泰寺,汉皇置酒未央宫。羞看百炼青铜。

贫对富,塞对通,野叟对溪童。鬓皤对眉绿,齿皓对唇红。 天浩浩,日融融,佩剑对弯弓。半溪流水绿,千树落花红。野 渡燕穿杨柳雨,芳池鱼戏芰荷风。女子眉纤,额下现一弯新月; 男儿气壮,胸中吐万丈长虹。

二冬

春对夏,秋对冬,暮鼓对晨钟。观山对玩水,绿竹对苍松。 冯妇虎,叶公龙,舞蝶对鸣蛩。街泥双紫燕,课密几黄蜂。春日园中莺恰恰,秋天寒外雁雍雍。秦岭云横,迢递八千远路; 声律启蒙 .3.

巫山雨洗,嵯峨十二危峰。明对暗,淡对浓,上智对中庸。镜奁对衣笥,野杵对村舂。花灼烁,草蒙茸,九夏对三冬。台高名戏马,斋小号蟠龙。手擘蟹螯从毕卓,身披鹤氅自王恭。五老峰高,秀插云霄如玉笔;三姑石大,响传风雨若金镛。

仁对义,让对恭,禹舜对羲农。雪花对云叶,芍药对芙蓉。陈后主,汉中宗,绣虎对雕龙。柳塘风淡淡,花圃月浓浓。春日正宜朝看蝶,秋风那更夜闻蛩。战士邀功,必借干戈成勇武;逸民适志,须凭诗酒养疏慵。

三江

楼对阁,户对窗,巨海对长江。蓉裳对蕙帐,玉斝对银釭。 青布幔,碧油幢,宝剑对金缸。忠心安社稷,利口覆家邦。世祖中兴延马武,桀王失道杀龙逄。秋雨潇潇,漫烂黄花都满径; 春风袅袅,扶疏绿竹正盈窗。

旌对旆,盖对撞,故国对他邦。行山对万水,九泽对三江。山岌岌,水淙淙,鼓振对钟撞。清风生酒舍,皓月照书窗。阵上倒戈辛纣战,道旁系剑子婴降。夏日池塘,出沿浴波鸥对对;春风帘幕,往来营业员垒燕双双。

铢对辆,只对双,华岳对湘江。朝车对禁鼓,宿火对塞缸。 青琐闼,碧纱窗,汉社对周邦。笙箫鸣细细,钟鼓响摐摐。主 簿栖鸾名有览,治中展骥姓惟庞。苏武牧羊,雪屡餐于北海; 庄周鲋,水必决于西江。

四支

茶对酒,赋对诗,燕子对莺儿。栽花对种竹,落絮对游丝。 四目颉,一只夔,鸲鹆对鹭鸶。半池红菡萏,一架白荼蘼。几 阵秋风能应候,一犁春雨甚知时。智伯恩深,国士吞变形之炭; 羊公德大,邑人竖堕泪之碑。

行对止,速对迟,舞剑对围棋。花笺对草字,竹简对毛锥。 汾水鼎,岘山碑,虎豹对熊罴。花开红锦绣,水漾碧琉璃。去 妇因探邻舍枣,出管恰从云里降;橹声咿轧,渔舟正向雪中移。

发对甲,鼓对旗,紫燕对黄鹂。梅酸对李苦,青眼对白眉。 三弄笛,地围棋,雨打对风吹。海棠春睡早,杨柳昼眠迟。张 骏曾为槐树赋,杜陵不作海堂诗。晋士特奇,可比一斑之豹; 唐儒博识,堪为五总之龟。

五微

来对往,密对稀,燕舞对莺飞。风清对月朗,露重对烟微。霜菊瘦,雨梅?肥,客路对渔矶。晚霞舒锦绣,朝露缀珠玑。夏暑客思欹石枕,秋寒妇念寄边衣。春水才深,青草岸边渔父去;夕阳半落,绿莎原上牧童归。

宽对猛,是对非,服美对乘肥。珊瑚对玳瑁,锦绣对珠玑。 桃灼灼,柳依依,绿暗对红稀。窗前莺并语,帘外燕双飞。汉 致太增三尺剑,周臻大定一戎衣。吟成赏月之待,只悉月堕; 声律启蒙 .5.

斟满送春之酒,惟憾春归。

声对色,饱对饥,虎节对龙旗。杨花对桂叶,白简对朱衣。 龙也吠,燕于飞,荡荡对巍巍。春暄资日气,秋冷借霜威。出 使振威冯奉世,治民异等尹翁归燕我弟兄,载咏棣棠韡韡;命 伊将帅,为歌杨柳依依。

六鱼

无对有,实对虚,作赋对观书。绿窗对朱户,宝马对香车。伯乐马,浩然驴,弋雁对求鱼。分金齐鲍叔,奉璧蔺相如。掷地金声孙绰赋,回文锦字窦滔书。未遇殷宗,胥靡困傅岩之筑;既逢周后,太公舍渭水之渔。

终对始,疾对徐,短褐对华裾。六朝对三国,天禄对石渠。 千字策,八行书,有若对相如。花残无戏蝶,藻密有潜鱼。落叶舞风高复下,小荷浮水卷还舒。爱见人长,共服宣尼休假盖; 恐彰已吝,谁知阮裕竟焚车。

麟对凤,鳖对鱼,内史对中书。犁锄对耒耜,畎浍对郊墟。 犀角带,象牙梳,驷马对安车。青衣能报赦,黄耳解传书。庭 畔有人持短剑,门前无客曳长裾。波浪拍船,骇舟人之水宿; 峰峦绕舍,乐隐者之山居。

七虞

声律启蒙 .6.

金对玉,宝对珠,玉兔对金鸟。孤舟对短棹,一雁对双凫。横醉眼,捻吟须,李白对杨朱。秋霜多过雁,夜月有啼乌。日暧园林花易赏,雪寒村舍酒难沽。人处岭南,善探巨象口若悬河中齿;客居江右,偶夺骊龙颔下珠。

贤对圣,智对愚蠢,傅粉对施朱。名缰对利锁,挈榼对提壶。鸠哺子,燕调雏,石帐对郇厨。烟轻笼岸柳,风急撼庭梧。 鸜眼一方端石砚,龙涎三炷博山垆。曲沼鱼多,可使渔人结网; 平田兔少,漫劳耕者守株。

秦对赵,越对吴,钓客对耕夫。箕裘对杖履,杞梓对桑榆。 天欲晓,日将晴,狡兔对妖狐。读书甘刺股,煮粥惜焚须。韩 信武能增四海,左思文足赋三都。嘉遁幽人,适志竹篱茅舍; 胜游公子,玩情柳陌花衢。

八齐

岩对岫,涧对溪,远岸对危堤。鹤长对凫短,水雁对山鸡。 星拱北,月流西,汉露对汤霓。桃林牛已放,虞坂马长嘶。叔 侄去官闻广受,弟兄让国有夷齐。三月春浓,芍药丛中蝴蝶舞; 五更天晓,海棠枝上子规啼。

云对雨,水对泥,白璧对玄圭。献瓜对投李,禁鼓对征鼙。徐稚榻,鲁班梯,凤翥对鸾栖,有官清似水,无客醉如泥。截发惟闻侃母,断机只有乐羊妻。秋望佳人,目送楼头千里雁;早行远客,梦惊枕上五更鸡。

熊对虎,象对犀,霹雳对虹霓。杜鹃对孔雀,桂岭对梅溪。

萧史凤,宋宗鸡,远近对高低。水寒鱼不跃,林茂鸟频栖。杨柳和烟彭泽县,桃花流水武陵溪。公子追欢,闲骤玉骢游绮陌; 佳人倦绣,闷欹珊枕掩香闺。

九佳

河对海,汉对淮,赤岸对朱崖。鹭飞对鱼跃,宝钿对金钩。 鱼圉圉,鸟喈喈,草履对芒鞋。古贤尝笃厚,时辈喜诙谐。孟 训文公谈性善,颜师孔子问心斋。缓抚琴弦,像流莺而并语; 斜排筝柱。类过雁之相挨。

丰对俭,等对差,布袄对荆钗。雁行对鱼阵,榆塞对兰崖。 桃荠女,采莲娃,菊径对苔阶。诗成对六义备,乐奏八音谐。 造律吏哀秦法酷,知音人说郑声哇。天欲飞霜,塞上有鸿行已 过;云将作雨,庭前多蚁阵先排。

城对市,巷对街,破屋对空阶。桃枝对桂叶,砌蚓对墙蜗。梅可望,橘堪怀,季路对高柴。花藏沽酒市,竹映读书斋。马首不容孤竹扣,车轮终阳埋。朝宰锦衣,贵束乌犀之带;宫人宝髻,宜簪白燕之钗。?

十灰

增对损,闭对开,碧草对苍苔。书签对笔架,两曜对三台。 周召虎,宋桓魋,阆苑对蓬莱。薰风生殿阁,皓月照楼台。却 声律启蒙 .8.

马汉文思罢献,吞蝗唐太冀移灾。照耀八荒,赫赫丽天秋日; 震惊百里,轰轰出地春雷。

沙对水,火对灰,雨雪对风雷。书淫对传癖,水浒对岩隈。 歌旧曲,酿新醅,舞馆对歌台。春棠经雨放,秋菊傲霜开。作 酒固难忘曲蘖,调羹必要用盐梅。月满庾楼,据胡床而可玩; 花开唐苑,轰羯鼓以奚催。

休对咎,福对灾,象箸对犀杯。宫花对御柳,峻阁对高台。 花蓓蕾,草根荄,剔藓对剜苔。雨前庭蚁闹,霜后阵鸿哀。元 亮南窗今日傲,孙弘东阁几时开。平展青茵,野外茸茸软草; 高张翠幄,庭前郁郁凉槐。

十一真

邪对正,假对真,獬豸对麒麟。韩卢对苏雁,陆橘对庄椿。 韩五鬼,李三人,北魏对西秦。蝉鸣对暮夏,莺啭怨残春。野 烧焰腾红烁烁,溪流波皱碧粼粼。行无踪,居无庐,颂成酒德; 动有时,藏有节,论著钱神。

哀对乐,富对贫,好友对嘉宾。弹冠对结绶,白日对青春。 金翡翠,玉麒麟,虎爪对龙麟。柳塘生细浪,花径起香尘。闲 爱登山穿谢屐,醉思漉酒脱陶巾。雪冷霜严,倚槛松筠同傲岁; 日迟风暖,满园花柳各争春。

香对火,炭对薪,日观对天津。禅心对道,野妇对宫嫔。 仁无敌,德有邻,万石对千钧。滔滔三峡水,冉冉一溪冰。充 国功名当画阁,子张言行贵书绅。笃志诗书,思入圣贤绝域; 声律启蒙 .9.

忘情官爵, 羞沾名利纤尘。

十二文

家对国,武对文,四辅对三军。九经对三史,菊馥对兰芬。歌北鄙,咏南薰,迩听对遥闻。召公周太保,李广汉将军。闻化蜀民皆草偃,争权晋土已瓜分。巫峡夜深,猿啸苦哀巴地月;衡峰秋早,雁飞高贴楚天云。

欹对正,见对闻,偃武对修文。羊车对鹤驾,朝旭对晚曛。 花有艳,竹成文,马燧对羊欣。山中梁宰相,树下汉将军。施 帐解围嘉道韫,当垆沽酒叹文君。好景有期,北岭几枝梅似雪; 丰年先兆,西郊千顷稼如云。

尧对舜,夏对殷,蔡惠对刘蕡。山明对水秀,五典对三坟。 唐李杜,晋机云,事父对忠群。雨晴鸠唤妇,霜冷雁呼群。酒 量洪深周仆射,诗才俊逸鲍参军。鸟翼长随,凤兮洵众离长; 狐威不假,虎也真百兽尊。

十三元

幽对显,寂对喧,柳岸对桃源。莺朋对燕友,早暮对寒暄。 鱼跃沼,鹤等乘轩,醉胆对吟魂。轻尘生范甑,积雪拥袁门。 缕缕轻烟芳草渡,丝丝微雨杏花村。诣阙王通,献太平十二策; 出关老子,著道德五千言。 声律启蒙 .10.

儿对女,子对孙,药圃对花村。高楼对邃阁,赤豹对玄猿。 妃子骑,夫人轩,旷野对平原。匏巴能鼓瑟,伯氏善吹埙。馥 馥早梅驿使,萋萋芳草怨王孙。秋夕月明,苏子黄岗游赤壁; 春朝花发,石家金谷启芳园。,

歌对歌,德对恩,犬马对鸡豚。龙池对凤沼,雨骤以云屯。 刘向阁,李膺门,唳鹤对啼猿。柳摇春白昼,梅弄月黄昏,岁 冷松筠皆有节,春喧桃李本无言。噪晚齐蝉,岁岁秋来泣恨; 啼宵蜀鸟,年年春去伤魂。

十四寒

多对少,易对难,虎踞对龙蟠。龙舟对凤辇,白鹤对青鸾。 风淅淅,露漙漙,绣毂对雕鞍。鱼游荷叶沼,鹭立蓼花滩。有 酒阮貂奚用解,无鱼冯铗必须弹。丁固梦松,柯叶忽然生腹上; 文郎画竹,枝梢倏尔长毫端。

寒对暑,湿对干,鲁隐对齐桓。寒毡对明暖席,夜饮对晨餐。叔子带,仲由冠,郏瘣邯郸。嘉禾忧夏旱,衰柳耐秋寒。杨柳绿遮元亮宅,杏花红映仲尼坛。江水流长,环绕似青罗带;海蟾满,澄明如白盘。

横对竖,窄对宽,黑志对弹丸。朱帘对画栋,彩槛对雕栏。 春既老,夜将阑,百辟对千官。怀仁称足足,抱义美般般。好 马君王曾市骨,食猪处士仅思肝。世仰双仙,元礼舟中携郭泰, 人称连壁,夏候车上并潘安。

十五删

兴对废,附对攀,露草对霜菅,歌廉对借寇,习孔对希颜。山垒垒,水潺潺,奉壁对探镮,礼由公旦作,诗本仲尼删。驴 困客方经灞水,鸡鸣人已出函关。几夜霜飞已有苍鸿辞北塞, 数朝雾暗岂无玄豹南山。

犹对尚,侈对悭,雾髻对烟鬟。莺啼对鹊噪,独鹤对双鹇。 黄牛峡,金马山,结草对衔环。昆山惟玉集,合浦有珠还。阮 籍旧能为眼白,老莱新着衣斑。栖迟避世人草衣木食,窈窕颂 城女云鬓花颜。

姚对宋,柳对颜,赏善对惩奸。愁中对梦里,巧慧对痴顽。 孔北海,谢东山,使越对征蛮,淫声闻濮上,离曲听阳关。骁 将袍披仁贵白,小儿衣着老莱斑。茅舍无人,难却尘埃生榻上; 竹亭有客,尚留风月在窗间。

下卷

一先

晴对雨,地对天,天地对山川。山川对草木,赤壁对青田。 郏鄏鼎,武城弦,木笔对苔钱。金城三月柳,玉井九秋莲。何 处春朝风景好,谁家秋夜圆。珠缀花梢,千点蔷薇香露;练横 树杪,几丝杨柳残烟。

前对后,后对先,众丑对孤妍。莺簧对蝶板,虎穴对龙渊。 击石磬,观韦编,鼠目对茑肩。春园花柳地,秋沼芰荷天。白 羽频挥闲客坐,乌纱半坠醉翁眠。野店几家,羊角风摇沽酒旆; 长川一带,鸭头泛卖鱼船.

离对坎,震对乾,一日对千年,尧天对舜日,蜀水对秦川. 苏武节,郑虔毡,润壑对林泉。挥戈能退日,持管莫窥天。寒 食芳辰花烂熳,中秋佳节月婵娟。梦里荣华,飘忽枕中之客, 壶中日月,安闲市上之仙。

二萧

恭对慢, 吝对骄, 水远对山遥。松轩对竹槛, 雪赋对风谣。

声律启蒙 .13.

乘五马,贯双雕,烛灭对香消。明蟾常彻夜,骤雨不终朝。楼阁天凉风飒飒,关河地隔雨潇潇。几点鹭鸶,日暮常飞红蓼岸;一双;鸡涑鸟,春朝频泛绿杨骄。

开对落,暗对昭,赵瑟对虞韶。轺车对驿骑,锦绣对琼瑶。 羞攘臂,懒折腰,范甑对颜瓢。寒天鸳帐酒,夜月凤台箫。舞 女腰肢杨柳软,佳人颜貌海棠娇。豪客寻春,南陌草青香阵阵; 闲人避暑,东堂蕉绿影摇摇。

班对马,董对晁,夏昼对春宵。雷声对电影,麦穗对禾苗。 八千路,廿四桥,总角对垂髫。露桃匀脸,风柳舞纤腰。贾谊 赋成伤鵩鸟,周公诗说托鸱鸮。幽寺寻僧,逸兴岂知俄尔尽; 长亭送客,离魂不觉黯然消。

三肴

风对雅,象对爻,巨蟒对长蛟。天文对地理,蟠蟀对螵蛸。 龙生矫,虎咆哮,?北学对东胶。筑台须垒土,成屋必诛茅。潘 岳不忘秋兴赋,边韶常被昼眠嘲,抚养群黎,已见国家隆治; 滋生万物,方知天地泰交。

蜿对虺,蜃对蛟,麟薮对鹊巢。风声对月色,麦穗对桑苞。何妥难,子云嘲,楚甸对商郊。五音惟耳听,万虑在心包。葛被汤征因仇饷,楚曹齐伐责包茅。高矣若天,洵是圣人大道; 淡而如水,实为君子神交。

牛对马,犬对猫,旨酒对嘉肴。桃红对柳绿,竹叶对松梢, 藜杖叟,布衣樵,北野对东郊。白驹形皎皎,黄鸟语交友。花 圃春残无客到,柴门夜永有僧敲。墙畔佳人,飘扬竞把秋千舞; 楼前公子,笑语争将蹴踘抛。

四豪

琴对瑟,剑对刀,地迥对天高。峨冠对博带,紫绶对绯袍。 煎异茗,酌香醪,虎兕对猿猱。武夫攻骑射,野妇务蚕缫。秋 雨一川淇澳竹,春风两岸武陵桃。螺髻青浓,楼外晚山千仞; 鸭头绿腻,溪中春水半篙。

刑对赏,贬对褒,破斧对征袍。梧桐对橘柚,枳棘对蓬蒿。雷焕剑,吕虔刀,橄榄对葡萄。一椽书舍小,百尺酒楼高。李白能诗时秉笔,刘伶爱酒每馎糟。礼别尊卑,拱北众星常灿灿;势分高下,朝东万水自滔滔。

瓜对果,李对桃,犬子对羊羔。春分对夏至,谷水对山涛。 双凤翼,九牛毛,主逸对臣劳。水流无限阔,山耸有余高。雨 打村重新牧笠,尘生边将旧征袍。俊士居官,荣引鹓鸿之序; 忠臣报国,誓殚犬马之劳。

万歌

山对水,海对河,雪竹对烟萝。新欢对旧恨,痛饮对高歌。 琴再抚,剑重磨,媚柳对枯荷。荷盘从雨洗,柳线任风槎。饮酒岂知欹醉帽,观棋不觉烂樵柯。山寺清幽,遥临万倾烟波。

繁对简,少对多,里咏对途歌。宦情对旅况,银鹿对铜驼。

声律启蒙 .15.

刺吏鸭,将军鹅,玉律对金科。古堤垂亸柳,曲沼长新荷。命 驾吕因思叔夜,马车蔺为避廉颇。千尺水帘,今古无人能手卷; 一轮月镜,乾坤何匠用功磨。

霜对露,浪对波,径菊对池荷。酒阑对歌罢,日暖对风和。梁父咏,楚狂歌,放鹤对观鹅。史才推永叔,刀笔仰萧何。种橘犹嫌千树少,寄梅谁信一枝多。林下风生,黄发村童推牧笠;江头日出,皓眉溪叟晒渔蓑。

六麻

松对柏,缕对麻,蚁阵对蜂衙。頳鳞对白鹭,冻雀对昏鸦,白堕酒,碧沉茶,品笛对吹笳。秋凉梧堕叶,春暖杏开花。雨长苔痕侵壁砌,月移梅影上窗纱。飒飒秋风,度城头之筚篥;迟迟晚照,动江上之琵琶。

优对劣, 凸对凹, 翠竹对黄花。松杉对杞梓, 菽麦对桑麻。山不断, 水无涯, 煮酒对烹茶。鱼游池面水, 鹭立崖头沙。百亩风翻陶令秫,一畦雨熟邵平瓜。闲捧竹根,饮李白一壶之酒; 偶擎桐叶, 啜卢同七碗之茶。

吴对楚,蜀对巴,落日对流霞。酒钱对诗债,柏叶对松花。 驰驿骑,泛仙槎,碧玉对丹砂。设桥偏送笋,开道竟还瓜。楚 国大夫沉汩水,洛阳才子谪长沙。书箧琴囊,乃士流活计;药 炉茶鼎,实闲客生涯。

七阳

高对下,短对长,柳影对花香。词人对赋客,五帝对三王。深院落,小池塘,晚眺对晨妆。绛霄唐帝殿,绿野晋公堂。寒集谢庄衣上雪,秋添潘岳鬓边霜。人浴兰汤,事不忘于端午;客斟菊酒,兴常记于重阳。

尧对舜,禹对汤,晋宋对隋唐。奇花对异卉,夏日对秋霜。 八叉手,九回肠,地久对天长。一堤杨柳绿,三径菊花黄。闻 鼓塞兵方战斗,听钟宫女正梳妆。春饮方归,纱帽半淹邻舍酒; 早朝初退,衮衣微惹御炉香。

荀对孟,老对庄,亸柳对垂杨。仙宫对梵宇,小阁对长廊。 风月窟,水云乡,蟋蟀对螳螂。暖烟香霭霭,寒烛影煌煌。伍 子欲酬渔父剑,韩生尝窃贾公香。三月韶光,常忆花明柳媚; 一年好景,难忘橘绿橙黄。

八庚

深对浅,重对轻,有影对无声。蜂腰对蝶翅,宿醉对余酲。 天北缺,日东生,独卧对同行。寒冰三尺厚,秋月十分明。万 卷书客容闲客览,一樽酒待故人倾。心侈唐玄,厌看霓裳之曲; 意骄陈主,饱闻玉树之赓。

虚对实,送对迎,后甲对先庚。鼓琴对舍瑟,搏虎对骑鲸。金匠面,玉瑽琤,玉宁对金茎。花间双粉蝶,柳内几黄莺。贫

里每甘藜藿味,醉中厌听管弦声。肠断秋闺,凉吹已侵重被冷; 梦惊晓枕,残蟾犹照半窗明。

渔对猎,钓对耕,玉振对金声。雉城对雁塞,柳枭对葵倾。 吹玉笛,弄银笙,阮杖对桓筝。墨呼松处士,纸号楮先生。露 浥好花潘岳县,风搓细柳亚夫营,抚?动琴弦 ,遽觉座中风雨 至;哦成诗句,应知窗外鬼神惊。

九青

红对紫,白对青,渔火对禅灯。唐诗对汉史,释典对仙经。 龟曳尾,鹤梳翎,月榭对风亭。一轮秋夜月,几点晓天星。晋 士只知山简醉,楚人谁识屈原醒。绣倦佳人,慵把鸳鸯文作枕; 吮毫画者,思将孔雀写为屏,

行时坐,醉对醒,佩紫对纡青。棋枰对笔架,雨雪对雷霆。狂蛱蝶,小晴蜒,水岸对沙汀。天台孙绰赋剑阁孟阳铭。传信子卿千里雁,照书车胤一囊萤。冉冉白云,夜半高遮千里月;澄澄碧水,宵中寒映一天星。

书对史,传对经,鹦鹉对鹡鸰。黄茅对白荻,绿草对青萍。 风绕铎,雨淋铃,水阁对山亭。渚莲千朵白,岸柳两行青。汉 代宫中生秀柞,尧时阶畔长祥蓂。一枰决胜,棋子分黑白;半 幅能灵,画色间丹青。 新对旧,降对升,白犬对苍鹰。葛巾对藜杖。涧水对池冰。 张兔网,挂鱼罾,燕雀对鹏鹍。炉中煎药火,窗下读书灯。织 锦逐梭成舞凤,画屏误笔作飞蝇。宾客刘公,座上满斟三雅爵; 迎仙汉帝,宫中高插九光灯。

儒对士,佛时僧,面友对心朋。春残对夏老,夜寝时晨兴。 千里马,九霄鹏,霞蔚对云蒸。寒堆阴岭雪,春泮水池冰。亚 父愤生撞玉斗,周公誓死作金滕。将军元晖,莫怪人讥为饿虎; 侍中卢昶,难逃世号作饥鹰。

规对矩,墨对绳,独步时同登。吟哦对讽咏,访友对寻僧。 风绕屋,水襄陵,紫鹄对苍鹰。鸟寒惊夜月,鱼暖上春冰。扬 子口中飞白凤,何郎鼻上集青蝇。巨鲤跃池,翻几重之密藻; 颠猿饮涧,挂百尺之垂藤。

十一尤

荣对辱,喜对忧,夜宴对春游。燕关对楚水。蜀犬对吴牛。 茶敌睡,酒消愁,青眼对白头。马迁修史记,孔子作春秋。适 兴子猷帝泛棹,思归王粲强登楼。窗下佳人,妆罢重将金插鬓; 筵前舞妓,曲终还要锦缠头。

唇对齿,角对头,策马对骑牛。毫尖对笔底,绮阁对雕镂。 杨柳岸,荻芦洲,语燕对啼鸠。客乘金络马,人泛木兰舟。绿 野耕夫春举耜,碧池渔父晚垂钩。波浪千层,喜见蛟龙得水; 云霄万里,惊看雕鹗横秋。

庵对寺,殿对楼,酒艇对渔舟。金龙对彩凤,豮豕对童牛。

王郎帽,苏子裘,四季对三秋。峰峦夫地秀,江汉天流。一湾绿水渔村小,万里青山佛寺幽。龙马呈河,羲皇阐微而画卦;神龟出洛,禹王取法以陈畴。

十二侵

眉对目,口对心,锦瑟对瑶琴。晓耕对寒钓,晚笛对秋砧。松郁郁,竹森森,闵损对曾参。秦王亲击缶,虞帝自挥琴。三献卞和尝泣玉,四知杨震固辞金。寂寂秋朝,庭叶因霜摧嫩色;沉沉春夜,砌花随月转清阴。

前对后,古对今,野兽对山禽。犍牛对牝马,水浅对山深。曾点瑟,戴逵琴,璞玉对浑金。艳红花弄色,浓绿柳敷阴。不雨汤王方剪爪,有风楚子正披襟。书生惜壮岁韶华,寸阴尺璧,游子爱良宵光景,一刻千金。

丝对竹,剑时琴,素志对丹心。千愁对一醉,虎啸对龙吟。 子罕玉,不疑金,往古对来今。天寒邹吹律,岁旱傅为霖。渠 说子规为帝魄,侬知孔雀是家禽。屈子沉江,处处舟中争系粽; 牛郎渡渚,家家台上竞穿针。

十三覃

千对百,两对三,地北对天南。佛堂对仙洞,道院对禅庵。 山泼黛。水浮蓝,雪岭对云潭。凤飞方翙翙,虎视已眈眈。窗 声律启蒙 .20.

下书生时讽咏,筵前酒客日耽酣。白草满郊,秋日牧征人之马;绿桑盈亩,春时供农妇之蚕。

将对欲,可对堪,德被对恩罩。权衡对尺度,雪寺对云庵。安邑枣,沿庭柑,不愧对无渐。魏征能直谏,王衍善清谈。紫梨摘去从山北,丹荔传来自海南。攘鸡非君子所为,担当月一;养狙是山公之智,止用朝三。

中对外, 北对南, 贝母对宜男。移山对浚井, 谏苦对言甘。 千取百, 二为三, 魏尚对周堪。海门翻夕浪, 山市拥晴岚。新 缔直投公子纻, 旧交犹脱馆人骖。文在淹通, 已咏冰兮寒过水; 永和博雅, 可知青者胜于蓝。

十四盐

悲对乐,爱对嫌,玉兔对银蟾。醉侯对诗史,眼底对眉尖。 风飘飘,雨绵绵,李苦对瓜甜。画堂施锦帐,酒市舞青帘。横 槊赋诗传孟德,引壶酌酒尚陶潜。两曜迭明,日东生而月西出; 五行式序,水下润而火上炎。

如对似,减对添,绣幕对朱帘。探珠对献玉,鹭立对鱼潜。 玉屑饭,水晶盐,手剑对腰镰。燕巢依邃阁,蛛网挂虚檐。夺 槊至三唐敬德,栾棋第一晋王恬。南浦客归,湛湛春波千顷净; 西楼人悄,弯弯夜月一钩纤。

逢对遇,仰对瞻,市井对闾阎。投簪对结绶,握发对掀髯。 张绣幕,卷珠帘,石碏对江淹。宵征方肃肃,夜饮已厌厌。心 褊小人长戚戚,礼多君子屡谦谦。美剌殊文,备三百五篇诗咏; 吉凶异画,变六十四卦爻占。

十五咸

清对浊,苦对咸,一启对三缄。烟蓑对雨笠,月榜对风帆。 莺取ႏ,燕呢喃,柳杞对松杉。情深悲素扇,泪痛湿青衫。汉 室既能分四姓,周朝何用叛三监。破的而探牛心,豪矜王济; 竖竿以挂犊鼻,贫笑阮咸。

能对否,圣对贤,卫瘏对浑瑊。雀罗对鱼网,翠足尚对苍崖。红罗帐,白布衫,笔格对书函。蕊香蜂竞采,泥软燕争衔。 凶孽誓清闻祖逖,王家能义有巫咸。溪臾新居,渔舍清幽临水岸;山僧久隐,梵宫寂寞倚云岩。

冠对带,帽对衫,议鲠对言谗。行舟对御马,俗弊对民岩。 鼠且硕,兔多毚,史册对书缄。塞城闻奏角,江浦认归帆。河水一源形瀰瀰,泰山万仞势岩岩。郑为武公,赋缁衣而美德; 周因巷佁,歌贝锦以伤谗。